





歌風臺

嬴秦北築城萬里芒碭無八識雲氣鴻門斗  
焚漢楚殘民半為鬼重瞳失道身首分沛宮酒叙還  
鄉息風雲飛動白日永歌聲激烈悲勲親四方備禦  
思虎士進取守成良不易長陵崇奉四百春歌臺遺  
築今荆杞壯哉一曲大風辭千古英雄盡懷愧

戲馬臺

彭城負險河為障南屹崇臺勢雄壯重瞳奮跡入秦  
回諸侯攬轡皆東向酒酣感馬升崔嵬鬣翻鬣振雲  
烟開倚鞭四顧示無敵指揮貔虎心雄哉黃金間行





亞父去帳下茫然失謀主楚歌聲合潰重圍昔日名  
騅空故步千年積恨氣未消繞臺泗水撞飛濤

### 望思臺

金莖擎露空崔嵬湖臺築恨心猶哀剖桐殞土事暖  
昧禍攬元自長生來壽喻大耋世已稀趙國憮人心  
險噉盜兵誅佞兩非是屈覓督猶驚疑銜冤竟隕  
鳩泉里壺闕三老言非遲向無少卿護病已上林僵  
柳何緣起空餘老淚滴紋甃斑斑相間苔花紫

### 銅雀臺

漢室分崩成鼎峙銅雀翬飛鄴宮起碧甍漾日覆紋  
鴛蕙帳凝香集餘妓我觀叛始既驕逸後裔烏知腸  
奢侈洛陽宮闕凌青霄公卿負土何焦勞玉音親責  
役夫緩瞬息身首橫霜刀荒遊日恣典午肆西陵空  
掩欺孤智至今硯墨抱遺羞千古姦雄穢青史

### 鳳凰臺

萬里長江東入海千年高臺今尚在當時誰道鳳凰  
來覽德何人足相待鳳聲悠々梧葉空謫仙文采流  
長虹跨鯨一去不復返後人欲語羞雷同海上三山  
眈何許群仙騎鳳隔風雨登臨空咏謫仙詩白鷺斜  
飛過秋浦



八月上旬出遊晚歸

栲峰老人頭雪白竹扇如箕障炎赫徐行阡陌稻花間  
稚子歌呼手高拍西風吹我衣巾輕鷺絲飛起鸚鵡  
鳴西山一餉掛龍雨薄暮歸來新月明

予讀近時人詩有咏瀟湘八景者輒用效顰以  
消餘暇

洞庭秋月

岳陽樓昏水雲黑夜偈冰輪破幽寂浮光萬頃躍寒  
金倒影一規沉素辟霜毫誰幻清絕姿毛髮增寒心  
辟易何時鼓柂遂南遊散髮君山弄虛碧

瀟湘夜雨

黑雲捲空暗衡岳二水爭流風力惡推窓不睹雪珠  
跳篷底唯聽鳴錯落江猿無声老蛟吼鯨鯢出沒聞  
澆濁素鱣揮洒凜高堂座上霸人心戰愕

平沙落鴈

駱駝水枯圓露背橘洲霜清平似砥衡陽回侶羽翮  
疲接翅連群飛復上洞庭波濶菰米稀弋人夜榜橈  
心微平明又為稻梁謀來者行迹空嗟咨

漁村落照

暝雲破紅日色微輕舟冉冉灣寒磴濕習懸水猶



綴回光倒射明珠瓌怯寒鷗鷺集沙嘴側身鼓翅疑  
忘機何當置我蓬屋底一聲款乃中流歸

山市晴嵐

雨餘山徑溪縈迴小橋野店相因開新烟覆屋色掩  
暝薄日籠樹光熹微竽魁香軟紫薑脆旋沽美酒添  
尊壘不辭餘潤濕衣袂但惜履齒傷莓苔

江天暮雪

洞庭淚翻天只赤風慘雲霾四無極水鳧寒死鴻鵠  
僵冷逼漁簑眠不得馮夷夜剪瑤臺花瓊英着水輕  
無迹試令寫入畫圖看衡岳諸峰失遥碧

遠浦帆歸

長江萬里東入海南極蒼梧北踰濟龍驤萬斛駕洪  
濤去日酸辛歸日喜盡師夙昔諳行色鵝溪半幅番  
真迹入門嫵媚各有懷誰念山巔望夫石

烟寺晚鐘

紺宮崔嵬插蒼冥暮陰凝紫蒙丹青華鯨吼徹日西  
墜片月漸升東溟老僧暮歸尚餘暇松間引鶴楮  
枯藤不知誰寫逼真景耳邊彷彿聞餘聲

題張彥明所藏剪紙惜花春起早圖

流蘓帳卷春寒輕紗窓弄碧天微明軟紅嬌紫怯朝



露美人推枕心為驚  
髮雲未縮香奩開  
倚兒側立肩嬰孩  
黃鶯飛動花影亂  
停梳睥睨猶相猜  
誰將妙意寄工巧  
溪藤雪瑩金刀小  
丹青退舍松煤枯  
剪出天真數分杪  
筌熙傾軋空自誇  
惟競時人顏色好  
無聲有聲兩相副  
此景此詩均壓倒  
司空慣見了無言  
應是禪心被花惱

美人行

錦雲<sup>翠</sup>罩地春風軟  
彩鸞影展烏雲縮  
綉茸慵理怯餘寒  
寶鳧烟斷花陰轉  
露晞香徑苔蘚肥  
鳳鞋濕翠行遲  
憑闌無語何所思  
默看雙蝶花間飛

短歌行

水濁下見石雲深  
欲無山利欲酷似之  
翳彼方寸間年來  
名利嗟已矣如雲  
過山石沉水我似  
莊生形槁木心死  
灰又不如瞿曇氏  
面壁九年身不起  
物來自解鑿妍醜  
事至常思見非是  
始知至靜可觀動  
是非妍醜皆從彼  
靜中有樂我素諳  
字我靜能斯不愧  
春花粲爛秋葉零  
歲月奔馳老將至  
靜能靜能可若何  
歸全須究曾叅旨

悼凱南仲

蟠龍老僧凱南仲  
平生信實無嫌猜  
袒肩不倚簷蔔



樹結踟躕坐蓮花臺我來問信默無語紙旛漠：飛  
塵埃不如徹北方解脫菩提明鏡何為哉

寄茲息庵乞水墨蒲桃

息庵戲墨聞竒古碧蔓縈紆濕涼露名籍：逼老  
温我未得觀如病瞽剡藤涵雪持入山須憶同窓舊  
情素揮毫倘寄絕倫枝當置雲林息游處

元正二日喜雪走筆示諸姪

天花夜逐東風來千山萬山白皚：三陽獻瑞后土  
澤六出呈巧馮夷裁漫空冥：柳絮起匝地漠：梨  
花開玉龍群飛銀海湧縞鶴萬舞瓊林推廣寒羽衣

離素闕姑射仙子

瑤臺蘓卿嚙璫心壯烈王恭披

氎身毡毳山陰返棹迷處所東郭破履行徘徊懸弧

鷺鳴誤擊柝灞橋馱凍疑嚼枚山僧有時聞折竹野

客無處尋真梅枯枝點綴生蓓蕾宿麥蓋覆埋根芽

氣凌市井貴白墮光粲城郭無黃埃翰林石鼎月團

片太尉金帳羊羔醕重裊群飲綉帷底一竿獨釣寒

江隈誰憐高士僵欲死生覺大地春先回歐公白戰

不持鐵效顰自愧非其才寒窓一笑呵凍筆誰能為

我貽瓊瑰

再用韵



東皇夜駕雲車來，綉衣羽蓋光暄。平明散作萬花  
落，幻出天巧非人裁。初疑飛廉怒驅海，倒捲萬疊銀  
山推。又疑中秋十五夜，月色冷浸玻璃臺。恍如天女  
乘白鶴，曼陀落手經毡毳。又如楊花倚簾幙，垂欲  
下還徘徊。鳥飛無影人跡滅，瘦馬僵縮難加枚。曉雲  
無路空有夢，暗香不度終非梅。色欺山礬玉屑，蓋凍  
屈庭草黃金萼。寒威透肌起圓粟，冷艷奪目無纖埃。  
呵冰濡我紫毫筆，煖湯熱我真珠醅。梁園勝賞猶想  
像，繽紛不辨隩與隈。鄒枚司馬不可見，妍辭秘思堪  
抽。回謝公作賦千載後，只今誰復攄奇材。我言諸子  
毋自縮荆山，俯拾皆玫瑰。

送字文別駕

江風吹雲天漠漠，去官欲行愁雨落。沙頭已買一扁  
舟，惟載舊書盈故橐。東街西街蠟屐聲，冠蓋填門行  
踦。坐中猶有乞文人，囊裏元無贈錢客。我願行時  
天日晴，先生此心江水清。殷勤相餞一杯酒，早聽玉  
堂鈴索鳴。

防盜夜行

翠蘿滴露絡繹鳴，熠燿照影秋水清。輕雲度白河漢  
明月掛半壁，生東溟。幽人不寐起夜行，鐵搥攫地鏗。



有声綠林豪客慎勿驚白晝大盜猶縱橫

十一月初五月初度

去年鐔津作初度適與書雲節相遇清晨賓從賀新  
陽日午杯盤亦微具海亭宦客歸來遲薄莫北窓同  
笑語共誇長至偶生辰似識老人增壽數今年在家  
又初度破屋欺風海濤怒雖有絳蠟剪春紅亦有篆  
烟騰碧縷妻孥滿目意自真少長相趨禮如故東臯  
先生予故人寒窗教子甘清貧得錢沽酒還自醉書  
聲夜：驚比隣東平先生李元善酒後歌詩快清健  
可憐年少亦羞寒褐帽蒙頭僅留面欲要二妙話綢  
繆羞殺冰庖酒殺鮮我雖有田未忍賣弟責兒喚了  
無怨只慙  
天子不我知溝壑老填為可歎寄詩慎勿笑癡狂倚  
樓且看南飛鴈

再用韵東李元善

古鄆書生美無度漂泊江湖嗟未遇貧如東野詩愈  
佳嘆息無車載家具莫言家具少於車喜有昌黎不  
平語清名後世期不刊富貴浮雲何足數讀書唯闕  
溫清餘女哭男啼不須怒王章昔日卧牛衣靖節茅  
欄亦藍縷即今躑躅母自憐變化雲龍豈無故顏生



四勿稱仁人負郭二頃猶言貧我田僅足了饘粥苦  
吟貽笑東西隣行藏勿用人稱善景逼素榆享康健  
烏紗匝匝僅蒙頭霜鬢鬆亦遮面青山白雲交契  
深金馬玉堂書問鮮無才無德空老成下不尤人上  
無怨與君唱酬心自歡咏歌未足還嗟嘆越中小友  
有來詩相要更賦衡陽鴈

寄謝曹娥王子隆

海風撼屋：欲摧洪濤噴雪高崔嵬舟人戰惛心死  
灰客子遠來猶自哀故人見我顏為開煖湯濯足酒  
滿杯黃柑丹荔錯落堆飯抄雲子光暄：江上人誰  
知老朽薄雲高詎今還有明朝風靜渡江去蘭山  
下重回首

題林平山詩卷

以下皆延平作

鄭侯書法妙天下鐫石林生亦文雅延平碑刻不日  
成坐見東南紙增價我窮出遊羞佞促打碑擬向  
京師鬻只恐天公不我憐一夜風雷轟薦福

送建寧邵仲方赴廣州鼎安巡檢

丹青插空幻飛閣有客談天志寥廓毛錐未足了平  
生心隘七閩山水郭青衫白帽提干將黃蕉丹荔番  
禺行溪下歌呼溪女舞山鬼不嘯海若藏路經朝陽



車緩驅昌黎有廟神靈居升堂酌酒須再拜為問鯉  
魚今有無

上分憲山東僉事

五雲仙子來蓬瀛霜花肅：風冷：綉衣香拂瘴雲  
散老龍擎月波心明鷓鴣膏寒浸秋水寶匣生光斗  
生紫妖氛千里不敢飛狐兔遁形梟獍死九峯當軒  
翠鸞峙文筆又向天中起欲宣教化踵前賢瞻拜還  
看下車始泮宮洋：騰頌聲飛章從祀升延平玉堂  
芸閣應贊成竚聞奮  
詔來

天庭俗淳民厚期逭刑百世願主斯文盟

求葉仲輿寫墨竹扇面

此君一日不可無子猷為愛心歡愉延平官舍斬伐  
餘稽山倦客心煩紆先生拋官南海來胸中邱壑爭  
崔嵬筆端造化奪天巧籜龍一夜驚春雷素絹團：  
剪秋月韻染元霜寫幽絕蕭然便覺風雨生頃刻清  
寒屏炎熱昔時與可稱絕倫息齋近世尤逼真我持  
此扇出門去要使韞材咸萃君

逢秋

高梧脫葉金井寒壁月夜掛珠闌干銀河萬里浸虛



白凌風欲訪乘槎仙金壺箭水聲第一畫角梅花聽  
悽惻三山樓閣碧海涼老鶴不眠清露滴

贈畫龍陳亦所

飛龍在天不可識葉公千載餘墨迹洞微復寫北牡  
姿壁破點睛猶莫測老所三上海上僊貝闕珠宮慣  
游歷歸來援筆寫飛騰變化風雲走胸臆但憂真贗  
不可知空使時人寶燕石我來幸逢四世孫筆勢翩  
翩尤逼真解衣半載梅山住持縑扣戶人紛：畫成  
不用書亦所便作所翁何所分出門鐔津正秋水一  
笑雙龍忽飛起

謝李仲容見贈

海風立水天空濛瘴雲晝捲蓬萊宮仙人跨鶴天姥  
東歸來樓閣昏無蹤九仙山高玉為戶廣寒夜訪乘  
鸞女桂香滴露夢不成音徹霓裳羽衣舞宮袍舞錦  
花翻翻持成毛骨生清寒飛章贈我歸剡川推蓬月在  
梅花邊

觀魚亭書所見

披雲仙子雙着青一笑不語千娉婷臨風隔水忽何  
許曼卿空主芙蓉城山齋歸來日色暮四壁黃昏鬼  
相語城頭鳴：角聲曉青山一點黃金小



贈汪彥升

金花鞍覆紅氍毹，駝駑駘振鬣鳴長途。龍駒喘汗滴血珠，翹首伯樂羞鹽車。十年揮金醉

皇都，白髮聞海猶馳驅。臨汀春草梅花舒，東風為我先吹噓。

次李元善求墨韻

君不見深源咄、唯書空從知恠事填心，曾仲將佳製雖點漆空函，竟達非桓敵。又不見紹宗工隸，希前人畫腹意興，虞公隣楮陳法，穎擯不用書法遠追無窮。春顛張畫沙有奇悟，藏鋒指意誰能嗔。我今老矣

心未融，每愁落筆茫西東。蠻牋十樣無遠寄，窓昏几敗塵埃封鳳樓。不修紫毫涼舉手，只解遮寒風前賢學書心，手閒杯飲自樂何勞鐘。李侯懿子金閨郎，文章艷：春葩香銀鈎鐵畫亦奇絕，嗜好不羨紅樓粧。詩成揮洒每相寄，戈波點畫道且剛。元香銷磨倏無跡，袖手與我同淒涼。知君尚方隄藥，給使終有時。我獨兩鬢蕭颯飛秋霜，金鑿夜賜記。

恩寵玉堂畫步者，翱翔會當倚馬揮九制，笑傲何在。張君房廷珪真製散絕今已百五，祀我無佳惠。君何償詩來急索肯違忤，祇恐隣燭無餘九墨堪作字：



堪煮徒使我輩傷  
搜枯腸

栲栳山人詩集卷之三

五言律詩

次王敬助見寄韻六首

開元古名刹獨客思凄然不佩六國印元無二頃田  
吾猶甘自守人政不須憐堪笑陶朱子西施共上船

又

髮踈常自理心苦欲頻捱夜月久無夢秋風忽寄詩  
來同顏子樂聊復宋生悲何恠孔文舉人猶呼作兒

又

卧龍蟠屈處首尾枕長河臺榭臺猶在衣冠人若何



登臨雲水遠感慨草萊多無限  
拔援志青松有女蘿

又

琴書曾遠訪：我海東濱對酒不成醉  
看花惟惜春青燈書有味白眼世無人  
儘有畊桑趣偷然一幸民

又

祕圖留滯日鄉思已淒：黃卷挑燈閱紅粧掩鏡啼  
交新情儻免感舊恨低迷語及深知處  
應怜獨鶴栖

又

山陰歸賀老唐室尚昇平  
詩有清狂語心無寵辱驚  
賡歌希傑作出處見真情  
夷攷前人志非吾孰並行

八月十六日夜月蝕

片玉出東溟斯須忙事生  
皇天一眼瞠下土萬民驚  
蕩：雲無迹暉：星愈明  
嫦娥恨孤寡誰為斬墓精

寄易直兄

別去將三年相望路一千  
觀光誠有志問道恐無緣  
夢墮柯山月愁迷舜水烟  
看雲應見憶只恐不成眠

悼吾武伯

儒林正衰落武伯又何如  
白髮双親淚黃泉萬卷書  
儀刑宗魯舊文彩驚菴餘  
應有修文約相從地下居  
八月十九日宿慈水車輪橋野人家夜聞犬吠



有一人立門首忽問曰鷄鳴否詰之乃入縣膺  
役者蓋卜夜之早晚恐違官事也感而枕上有  
作

官道月曹三微雲弄薄晴居人聞犬吠行客問鷄鳴  
王者化無外公家事有程民心雖謹畏何日是昇平  
九月三日晚與鄭元東對坐至日暮小雨後歸

宿偶成

歸人歸未得天際從主陰小雨濕官道清砧傷客心  
蕭肥蘭蕙瘦雀語風鸞瘖生對滎陽老空懷正始音  
冬至前一日到游源及歸知元善亦自彼回途

中遇風不得相近偶成

夜醉重峯酒曉行出徑霜急風來廣漠初日在微茫  
交臂恨相失思君遂自傷翛然鷓鴣質鷄鶩愧聯行

送康穆菴遊浙右諸山

西林子元子子元穆菴字也觸熱又何之一語未沒契辦

香還為誰月庭秋影滿雲閣定 逢倘有相思句因  
風幸見貽

和來竺西見寄

歲暮重峰寺詩文喜共論暝雲昏疊嶂寒雲雨滯孤村  
別後病翻劇書來身幸存藤枝肯扶老終扣月中門



見乞食日多感而有作

齒豁髻蕭颯幽棲東海陬家貧難施與世乳易誅求  
饑道二千里戈船五百艘招安復征討食肉豈無謀  
夏夜偶成

雨下山雲黑雨收山月明涼風蚊蚋散活水蚓蛙鳴  
露頂中庭坐披衣曲砌行遙怜荷戈士觸熱入呂城

蝙蝠

蠢尔不知賤高天飢唯掠蚊蚋飛不避鷹鷂  
白晝身無措黃昏自便紀思詭佞輩與汝可周旋

沙縣小樓

半載客延平沙陽夢愈驚鷗沒巷靜月昃半樓明  
故國三千里歸途一月程四尺庭樹絺綌不勝情

偶成

溽暑南州甚我来成感傷日長聊暇寐夢短亦還鄉  
水汲龍津淥茶烹鳳苑香長歌憶歸去屈指待清商

寄易礼弟

越客半年住閩溪十里流山高不礙夢日暮易為愁  
兄弟終相憶鄉問非所憂何當先壠側同理釣魚舟

寄杜州鄉學讀書諸弟姪

時王敬助為師

負笈少年志讀書無患貧聚螢肯已邁映雪事當新



沉默東墟老淒涼<sup>江</sup>左賓興居便飲食德性藉陶甄陋  
巷窮詩禮荒陬集薦紳緇衣心眷二貝錦語諄三醴  
設穆生

胃長天台存舊譜地望著清光  
教育文辭瞻漸磨道義彰移官杜州曲開講樹山傷  
曉日舉比煖薰風絳帳涼青衿諸俊彥彩服兩兒郎  
弟子堪懷栢先生實棟梁群飛迷翥爵駿足識康莊  
歲月考書滿風雲際會良伏龍終偃蹇鳴鶴自翱翔  
執友陳供帳携心錦囊詩區匪蒼玉佩鏗鏘  
壯志期高翥歸心故鄉去霞繁秀嶺日蒼  
巾子峰頭月瓊臺石上霜仲懷土樂爰整好遊裝

下捧薇垣檄上霑楓陛香八千應薦剡耆德必文章  
不日看除日何時賀觴如我寄魚雁在滄浪

送杜洲山公朝

昭代文明治先儒理化行九疇皇極建萬象泰階平  
一德乾坤止諸經日月明桂宮紛珮玦璧水集簪纓  
丹穴生靈鳳滄溟出大鯨岷峨山鬱律苕雪水澄泓  
兩地氣鐘秀百年人間生宣尼垂筆削文節闡家聲  
孝友心無忝忠貞石可銘力言扶正學格論見深誠  
之子諸孫行為儒命世英棘闈初戰藝薇省即揚名  
虎榜斯高揭龍門忽下傾褐衣雖見錫黃卷愈研精



捧檄來東在臺成樂毅親寧為獮見笑勿以蠖求伸  
喋：羞同志栖：憶故人鳥飛應擇木魚逝必驚綸  
爆竹歲云暮椒盤日更春依然絃誦地童稚會比隣

送陳元剛巡檢葬親畢還烏江治所

鳳歷新頒朔樹盤尚獻春故人來遠道舊事憶比隣  
童子嘗遊釣先君辱誨諄妙年期奮迅中道遠邇  
處困寧東海觀光向北辰策勲精國語捧檄佐王臣  
案牘需翻譯蠻：一官心未憚再世氣方振  
有弟嗟淪茫無家苦辛：交廣東望極甌閩  
天路飛揚闕家山感慨頻陽新開閱携李舊宗姻

土雙親念浮生百歲身婦衝雨雪努力剪荆榛

馬鬣封猶古鵬程一：換綠莫歎鬢如銀

折柳歌金縷看才：停杯心眷：分袂禮彬：

我已辜新渥君毋忘昔貧願持清白操隨地福斯民

送杜洲殷山長歸天台

殷肇土茫：詩歌元鳥祥建邦思得姓易代復賓王  
德澤流千古雲初徧四方深源還輔晉鄭國亦興唐  
奕：家聲遠綿：世 浙携家住北瀛

停舟先過我擁帚許相迎講道無餘蘊論文得細評  
詞章漢宗止詩筆李長庚禮展慈湖奠心搖微國旌



先公同竄謫後裔借尊榮  
僑館甘藜藿芳洲采杜蘅  
春風閒杖策夜雨短燈檠  
浮海瞻龍伏登臯聽鶴鳴  
三年書滿考一旦趣歸程  
執手論交契持觴叙別情  
但期趨玉陛焉在遺金籛  
旋舍斑衣舞歸舟彩帳輕  
庭闈心晏、交友喜盈、侍次還鄉舉  
趨班復  
帝京捷音如我報莫俟鴈南征

七言律

危太樸以

奉

詔求故宋遺書作詩

贈之

宣文閣上危夫子日侍  
絲綈者遇優祇閱秘書供

御覽旁求遺籍贊

皇猷琅琊南渡終

亦繼錙公論自存

千載下聖人直

使星東下斗牛墟  
潛德幽光待發舒  
昭代追修三國

史詞臣來購四方書  
是非往事詢黃髮  
只尺清光觀

玉除若問江淮今日政  
願陳比法活樵漁

蔣王東舉

劍光飛射斗牛寒  
應笑如今缺尚彈  
萬國梯航朝  
帝闕百年禮樂付  
儒冠黃金用盡無  
顏色白髮交深  
見肺肝重念蒲輪東  
魯客暮年名動漢朝端



送易直縣尹兄赴松溪

武夷山水最清佳，路轉三衢未覺賒。  
百里絃歌初作宰，一官琴鶴且辭家。  
夜涼燈影連書屋，溪近松聲雜吏衙。  
遙想政成閒暇日，錦牋試墨品春茶。

次鄭元東陪劉同知謁子陵祠韻

畫舫秋江集縉紳，公餘來弔故人魂。  
子陵名節千年墓，文叔雲初百世孫。  
高閣秋風生玉麈，空山涼月墮金尊。  
獨慙老朽有新詩，可共論。

遊東山寺贈范

東山景物吾州稀，蓮宮瓊宇春輝過。  
湖人騎白雲，

馬待客曾立青苔，碗花一杯酒，一斗石上解衣松。

十園最愛米岡老，談元梳。

次葉敬常侍檢討東湖嘉澤廟倡和

詩韻

太史文章星斗光，叢祠新製耀仙鄉。  
兩賢嘉澤千年在，萬頃清風五月涼。  
烟際樓臺澄晚色，雨餘蘭芷發天香。  
經筵檢討臨川彥，唱和尤聞感慨長。

遣興

去年不死今年活，直語半生人不禁。  
老去謗書從滿篋，春來樂事總關心。  
觀魚濯足滄浪水，聽鳥支筇楊柳陰。



柳陰我已無心叫閭闔玉皇高拱紫雲溪

重峰寺祈雨後東李元善

塵尾高揮演大乘火雲不散愈峻嶒謔同三島吟詩  
客閒訪重峰醉酒僧僧謂翠竹陰移涼夢遠碧蓮香

散暮雲凝歸途未即天瓢注猶有長風解鬱蒸

玉勒花驄達窻乘我惟兩腳踏峻嶒山林不見休官

客雲水何如問道僧老鶴夢回清露滴佳人心杳碧

雲凝五旬不雨

有新篇破溽蒸





